

Lai Ung Cingz Gyaez Guek

厚植爱国情怀

——Gij Naemj Yawj Le 《Haihag Goq Daih'it》



Ndwen 9 ngoenz 1, dou haihag ngoenz daih'it bi 2021 haggeiz seizcou, gou angqyangz daeujdaengz hagdangz, gvaq le ngoenz daih'it haggeiz moq. Ciuq lauxsae naeuz, haemhaenx banhaemh 8 diemj, gou cinjseiz naengh youq baihnaj densigih, yawjgonz 《Haihag Goq Daih'it》.

《Haihag Goq Daih'it》 cingj hauilai vunz youqgaenj daeuj, lwnhgangj le aen dem aen gojgaeq hawj vunz gamjdoengh, ndawde hawj gou cei q gamjdoengh dwg aen gojgaeq daengx ranz vunz Lahcizniz. Gyoengqde daengx ranz geij daih vunz youq ndaw geij cib bi gvaqbae haenx, itcig guh ghen saehcingz doxdoengz ndeu, haenx couhdwg guh boux hoh bien'gyaiq. Youq mwh ngamq laebbaenz Cungguek moq, Sinhgyangh Hungzgizlahfuj Benhfanz ngamq laebbaenz, swyenz vanzging yakrwix dangq-maz, deihsei q yung'yiemj dangqmaz, banlaux ranz gyoengqde Gajlizardizbezgwz gag iugouz bae guh, vih gyoengq cansw hen bien'gyaiq daiq roen, de baez guh couh guh le 20 lai bi. Gajlizardizbezgwz bi-ndwen laux le, couh gyau hong hawj daeglwg bonjfaenh Bahyihgaj, Bahyihgaj guh le 30 lai bi, doeklaeng hix aenvih ndang mbouj ndei gyau hong hawj le daeglwg bonjfaenh Lahcizniz. Bi 2021 ndwen 1 ngoenz 4, Lahcizniz vih gouq lwgnyez doek

roengz ndaw congnae dai bae lo, mwh gyoengq-vunz rag de hwnjdaej, song fwngz de lij dwg yiengh gingz lwgnyez ok gwnz najraemx. Seizneix, daeglwg 12 bi Lahcizniz hix laebceiq majhung le aeu lumj daxboh nei, guh boux hoh bien'gyaiq ndeu.

Dingq le aen gojgaeq gyoengqde, gou caeuq vunzranz cungj raemxda roengz. Gou nyaenx mbouj ndaej deng gij cingz gyaez guek naekna geij daih vunz daengx ranz Lahcizniz gamjdoengh, gyoengqde youq gij vanzging baenzhaenx ganhoj lij caenhrengz cei q hung vih guekcoj caeuq beksingq ok rengz, roxnaj cingzgvang yung'yiemj raixcaix lijdwg mbouj goq bonjfaenh bae gouq vunz. Gyoengqde dwg gij yienghndei raeuz aeu hag, raeuz aeu daj iq laebceiq, hag ndei guh ndei, majhung le vih guekcoj guh ok faenh rengz bonjfaenh.

(Baksaek Si Yougyangh Gih Saedniemh Siujyoz Vangz Ginjgunh boux lauxsae son-gyauq: Luz Vei)

Geiq Baez Guhcaemz Ndeu

记一次游戏

Ngoenz singhgiz ndeu, dou geij boux siujbaengzyoux youq laj laeuz gunghsw daxboh gou guhcaemz “duzfanz” gaemh vunz, gig ndei guhcaemz law!

Dou cai “geuz rin baengz” cai ok “duzfanz” gonq, doeklaeng dwg Cinz Siujmingz guh “duzfanz”. De sien geq 30 aen soq, dou gyoengqvunz sikhaek sanqdeuz lo. De geq 30 aen soq liux, couh gyaep coh Siujli liz de cei q yawj haenx, daraen yaek gyaep dawz lo, dou cungj vih Siujli gip dwk heuh: “Gyayouz! Gyayouz! Gyayouz!” Mbouj siengj daengz Siujli baez cienq ndang, buet deuz lo. Cinz Siujmingz gaemh mbouj ndaej, ca di laemx lo. Gyoengqdou riuhaha hwnjdaej. Cinz Siujmingz baez ndwn hwnjdaej, couh vax dawz Daegveij, Daegveij mbouj caengz fanjwngq gvaqdaej, couh deng guh “duzfanz” lo, gyoengqdou youh riuhaha hwnjdaej.

Daegveij “duzfanz” neix hainduj gaemh vunz lo. De yawj gou vunz daemq youh iq, youh yawj de, sikhaek buet coh gou vax gou, gou yamqdin couh buet, buet daengz henzndang Gogez hix guh mbat gip cienq ndang ndeu, de gaemh mbouj dawz gou, sikhaek bae gaemh Gogez, Gogez buet mbouj gib couh deng gaemh dawz lo. Gogez cij ndaej guh “duzfanz” lo.

“Cungj dwg mwngz haih gou guh ‘duzfanz’, gou aeu gaemh mwngz.” Yiengh-neix, Gogez couh buet coh gou, gou cienq ndang couh buet, buet ndaej gig vaiq, dujrwz gou dingqnyi sing rumz yiengjhuhu bae, daihgya cungj vih gou gyayouz, hoeng gou lijdwg buet mbouj gvaq de, gou deng gaemh



lo, gou deng guh “duzfanz” lo.

Gou hainduj gaemh vunz lo, gou yawjraen liz gou cei q yawj dwg Siujgyanz, gou sikhaek buet bae gaemh de, de cienq ndang couh buet, laj din de lumj caij funghhojlunz nei gig vaiq, gou hix buet gig vaiq, daraen couh yaek gaemh dawz de lo, Siujgyanz sawqmwh baez cienq ndang naemj buet deuz, gou couh lanz youq baihnaj de, gaemh dawz de lo. Gou angq raixcaix.

Neix couhdwg guhcaemz “duzfanz” gaemh vunz, dou guhcaemz le geij diemjcong, gyoengqdou guhcaemz ndaej baeg dangqmaz, hoeng hix sim'angq dangqmaz.

(Sanglinz Yen Dafungh Cin Cungh-sinh Hagdangz sei q nienzgaep Cinz Cihsan boux lauxsae son'gyauq: Mungz Cwngzgen)

Itloh Miz Mwngz

一路有您

Daj cienjhag gvaqdaej, gou bienq ndaej engqgya gagsaenq, engqgya mbeilaux lo, neix cungj dwg aenvih miz mwngz son'gyauq. Gou bungz daengz saeh mbouj swnsim, mwngz cungj son gou. Mwngz son gou hauilai dauhleix caeuq sawmaeg, mwngz mbouj lau dwgrengz mbouj lau vunz ienq, guh haemz guh hoj, mwngz couh lumj daxmeh ityiengh ciuqgoq dou. Cwng lauxsae gingqgyaez, itloh miz mwngz, caen ndei!

Geiq ndaej miz baez ndeu, aenvih miz doengzhag an vamingz hawj gou, ndigah gou mbouj vuenheij saek di. Mwngz raen gou hwnjdangz mbouj miz simgei, roengzdangz cungj dwg nyapsaeb saeb. Rox gij yienzaen saehcingz le, mwngz heuh boux doengzhag haenx caeuq gou daengz henzgyawj, hainduj caeuq dou ganggoj. Mwngz hawj dou gag naeuz gij ginggvaq saehcingz, hoeng neix dwg gij saeh you gou mbouj gamj gangj ok bak, gou mbouj gamj gangj. Mwh gou cingq yupyat, yawjraen mwngz cingq riu dwk yawj gou, gou miz mbei lo, gou mbeilaux aeu saehcingz daj gyaey daengz rieng gangj okdaej, hoeng lijdwg nyaenx mbouj ndaej daej lo. Mwngz dopdop mbaq gou, naihsim caeuq dou gangj hwnjdaej. Moix coenz vah mwngz cungj lumj ndik raemx ndeu nei, ndik youq gwnz song duj va oi qet neix. Dou nyaenx mbouj ndaej cungj daej hwnjdaej lo. Mwhneix, mwngz daj ndaw daeh aeu ok mbaw ceijgaen ngamq lw haenx, aeu de cek baenz song mbiengi, faen hawj song dou. Dou cie p aeu ceijgaen, couh lumj duzmeuz doeksat ngamq deng lumhlah ndei ityiengh, dou simsangj lai lo.

Baez yaep da, dou couh yaek siujyoz bizyez lo, yienznaeuz caeuq mwngz doxcaez seizgan mbouj raez, hoeng gij gvansim mwngz, gou itcig geiq youq ndawsim. Youq gizneix gou naemj doi q mwngz gangj: “Lauxsae, gyo'mbai q mwngz!”

(Nanzningz Si Cauzyangzlu Siujyoz Linz Sinh-yenj boux lauxsae son'gyauq: Cwng Fanghlingz)